

فيديو ٩٠٨ من مقاطع حذر التجول تدبر آل عمران حلقة ١٥

الآيات ٣٨١ - ٥٨١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تنمية وتسعة. من مقاطع حذر التجول الحلقة الحادية والخمسون

من حلقات تدبر سورة ال عمران ارجو من حضراتكم تجميعوا المصاحف - [00:00:00](#)

وافتح معي الاية مية ثلاثة وتمانين ومية اربعة وتمانين واقرا معي اعوذ بالله السميع العليم من الشيطان الرجيم الذين قالوا ان الله

عهد الينا الا نؤمن لرسول حتى يأتينا الا نؤمن لرسول حتى يأتينا بقربان تأكله النار - [00:00:22](#)

قل قد جاءكم رسل من قبلي بالبينات وبالذي قلتم فلما قتلتموهم ان كنتم صادقين فقد كذب رسل من قبلك جاءوا بالبينات والزبر

بالبينات والزبر والكتاب المنيب بص معي في الاية مية ثلاثة وتمانين - [00:00:55](#)

فين باقي الجملة الذين قالوا ان الله عهد الينا الا نؤمن لرسول حتى يأتينا بقربان تأكله النار ما لهم بقى دول؟ ما لهم الناس دي فين

باقي الجملة بعدها قل قد جاءكم رسل من قبلي بالبينات وبالتالي ده مش باقي الجملة - [00:01:37](#)

الجملة كده مش كاملة. يبقى لازم ندور عليها هي اصلا باقي جملة يعني الذين قالوا ان الله عهد الينا جاية بدل الذين قالوا ان الله

فقير. في الاية مية واحد وتمانين. ارجع معي للاية مية واحد وتمانين - [00:02:00](#)

مين لقد سمع الله قول الذين قالوا ان الله فقير ونحن اغنياء هم هم الناس دول قالوا ايه مية ثلاثة وتمانين الذين قالوا ان الله عهد

الينا الا نؤمن لرسول حتى يأتينا بقربان تأكله النار. يعني - [00:02:23](#)

بمعنى الاية مية ثلاثة وتمانين لقد سمع الله قول الذين قالوا ان الله عهد الينا الا نؤمن لرسول حتى يأتينا بقربان تأكله النار. لان هم هم

نفس الناس فهمت دي؟ يعني لقد سمع الله قول الذين قالوا ان الله فقير ونحن اغنياء - [00:02:45](#)

وسمع ايه كمان منهم؟ وسجل ايه كمان عليهم؟ اللي قالوه ده اللي هو كفرهم بك بقى يا محمد. مش هم كفروا بالله الاول وسخروا

دلوقتي بقى بيحاولوا يدحكوا على النبي ويقولوا له اصل احنا مش هنؤمن بك. اصل ربنا قال لنا ما نؤمنش الا باللي يجيب لنا قربان -

[00:03:05](#)

اه معجزة حسية بشكل معين تمام يبقى الاية دي معناها لقد سمع الله قول الذين قالوا ان الله عهد الينا الا نؤمن لرسول حتى يأتينا

بقربان تأكله النار قل لهم بقى كذا. فهمتم بقى دي؟ طيب. يبقى هم قالوا حاجتين - [00:03:24](#)

اول حاجة سب الله قالوا الله فقير ونحن اغنياء وهم هم اللي قتلوا الانبياء بغير حق. ها وعملوا تمسيلية المحاكمات السورية

المحاكمات المسيسية. فربنا قال انهم قتلوا الانبياء بغير حق. عن المحاكمات دي كانت اي كلام مش حقيقية - [00:03:43](#)

وهم هم اللي بينكروا نبوتك يا محمد بحجة ان انت ما عكش معجزة مادية. تمام؟ طيب يعني زي ما قالوا على الله كلام باطل بيلزقوا

عدم ايمانهم بك بالانبياء اللي قبلك وبيقولوا اصل كلام الانبياء آآ لما يقولوه يعني هو يعني يعني ربنا عهد الينا من خلال الانبياء -

[00:04:02](#)

لقد سمع الله قول الذين قالوا ان الله عهد الينا الا نؤمن لرسول حتى يأتينا بقربان تأكله النار عهد الينا يعني وصانا من خلال الانبياء

اللي جم احنا ما نؤمنش لاي نبي وخلاص لازم يكون الرسول جايب ايه معجزة حسية وبطريقة معينة كمان يكون قربا وبياكلوا النار -

[00:04:26](#)

ده انتم كزابين انتم كزابين لا يمكن ربنا يقول كده ان مش كل رسول جاء بنفس المعجزة. حضرتك في رسل ما جوش بمعجزات حسية اصلا وكم ان اللي جم بمعجزات حسية مش كلهم جم بنفس المعجزة دي اللي هو قربان يأكله النار - [00:04:49](#)

فمش معقول ربنا هيرسل رسل ثم يوصي الناس بعدم تصديق الرسل والعجيب كمان بقى هو علاقة هذا الكلام بغزوة احد لان بني اسرائيل ربنا لم يحل لهم الغنائم فكانوا بعد الحرب تنزل نار تحرق الغنائم - [00:05:06](#)

ما حدث في عهد يوشع ابن نون غزوة احد كانت الهزيمة فيها بسبب الغنائم فشف سبحانه الله الاله العلاقة بين الكلام ده وبين انه جاي على طول ورا غزوة احد. نرجع بقى للاية مية ثلاثة وتمانين ثاني - [00:05:26](#)

الذين قالوا ان الله عهد الينا عهد الينا يعني اوصانا. ربنا عصانا بكزا الا نؤمن لرسول حتى يأتينا بقربان تأكله النار ربنا وصانا اننا ما نؤمنش بك يا محمد. ليه؟ لان انت ما جبتش معجزة مادية. ولازم كمان معجزة محددة - [00:05:42](#)

وهو انك تحط قربان وتنزل نار من السما تحرق هذا القربان طبعاً ده كذب ولكن ربنا ما قالش للنبي قل لهم ده كذب لان فيه رد اقوى من كده وهو انه يتنزل معهم في الخطاب. يعني ياخدكم على قد عقلهم ويقوم زانقهم بالمنطق في حجة معينة - [00:06:05](#)

بيقول لك ايه في المسل؟ خليك مع الكذاب لحد باب الدار الكتاب يقول لك لأ فلوسك موجودة بس في الدار طب تعال نمشي لغاية الدار رحنا الدور طب فين بقى الفلوس؟ يعني - [00:06:26](#)

فربنا قال للنبي قل لهم ايه بقى قل قد جاءكم رسل من قبلي بالبينات وبالذي قلتكم فلما قتلتموهم ان كنتم صادقين طب ما هو فيه رسل قبلي جم لكم بالبينات. يعني بالمعجزات الواضحات - [00:06:38](#)

وبالذي قلتكم يعني وبالمعجزة اللي انتم قتلتموها دي كمان بالزات ومع ذلك ده انتم مش بس كفرتم بهم! لأ ده انتم قتلتموهم قتلتموهم ليه لو انتم فعلاً صادقين ومش بتؤمنوا الا اللي بيحب لكم بالمعجزات ديت. اهم جابوا لكم المعجزات وقتلتموهم - [00:06:57](#)

نتعلم هنا فن المناظرة. انك ممكن تتنزل في الخطاب مع الخصم علشان تخرجه بنفس الحجة الباطلة بتاعته هو. انك تقيم الحجة بتاعته عليه. يعني احنا تلاقيه مسلاً كتير اوي بنستخدم مسلاً الانجيل - [00:07:15](#)

في المناظرات مع المسيحيين. طب ما احنا مش مؤمنين بالانجيل. يعني مش مؤمنين احنا مؤمنين بالانجيل اللي ربنا نزل. لكن لا نؤمن بان الانجيل اللي موجود النهارده سليم. ومؤمنين ان تم تحريفه - [00:07:31](#)

طب ليه بنستخدمه؟ بنستخدمه من من باب التنزل في الخطاب. لما اجد عند الخصم في الكلام اللي بيقوله اجد في كتابه هو زي ما هو كده على حالته دي ما يدينه - [00:07:41](#)

يبقى لازم استخدمه استخدمه لانه هيبقى حجة قوية جدا لي. ده انا بستخدم كتابه هو لو استخدمت كتابي انا كتابي انا لا يلزمه. لكن كتابه هو يلزمه انت اقصد ايه - [00:07:57](#)

ثم يقول الحق تبارك وتعالى للنبي صلى الله عليه وسلم فان كذبوك فقد كذب رسل من قبلك فان كذبوك فقد كذب رسل من قبلك جاءوا بالبينات والزبر والكتاب المنير كلام جميل فيه مواساة - [00:08:09](#)

وفي تهدئة وطمأنة وتثبيت للنبي عليه الصلاة والسلام ربنا بيقول للنبي لو كذبوك ما انتاش اول واحد الكل اتكذب رسل كتير قبلك كذبوا. وكانوا جايين برضو بينات وجايين كتب وجايين كل حاجة. يعني ما تزعلش يا محمد. يعني العيب مش فيك - [00:08:32](#)

زي ما قال له في الاية مية ستة وسبعين. هم ولا يحزنك الذين يسارعون في الكفر. انهم لا يضرؤا الله شيئاً. يعني ما تضايقش نفسك وما تحزنش. ما تزعلش ما تزعلش لما تشوف الناس بتكفر ده معناه ان ربنا يعنيه جدا حالة النبي النفسية - [00:08:53](#)

النبي عليه الصلاة والسلام كان بيشد على نفسه لدرجة ربنا يعني مرتين قال له يعني. فلعلك باخع نفسك على اثارهم ان لم يؤمنوا بهذا الحديث اسفاً. يعني انت هتموت نفسك من الحزن لما فيه ناس ما بتؤمنش - [00:09:17](#)

ما هو مش كل الناس هتؤمن يا محمد يعني شف ربنا ازاى يعني جدا ان النبي ما يزعلش. ده يوريك الحب حب ربنا للنبي عليه الصلاة والسلام. ده اللي انا ببص له في الاية - [00:09:29](#)

ان ربنا كل شوية يفضل يطمئن النبي يقول له ما تزعلش ما تزعلش ما تزعلش ده شيء بيفرق معنا ده اللي بلاحظه اللي هو فان كذبوك

فقد كذب رسل من قبلك - 00:09:42

ويظل يكلمه ان عدم ايمان بعض الناس مش بسببه هو ما تشدش على نفسك ما تلومش نفسك يعني مش عشان انت مش عارف تبلغ الدعوة بالطريقة الصحيحة بالعكس نهائيا ده هو ده الطبيعي - 00:09:57

الطبيعي ان مش كل الناس هتؤمن الطبيعي ان معزم الناس مش هتؤمن اصلا ما انتاش اول نبي تم تكزيبه فان كذبوك فقد كذب رسل من قبلك ما تضايقش نفسك بقى - 00:10:14

جاءوا بالبينات جم بمعجزات حسية والزبر يعني صحف الانبياء والكتاب المنير الكتب الكبيرة التوراة والانجيل والزبور خلي بالك ان في صحف كثيرة في انبياء اشعياء ارمياء انبياء احنا ما نعرفش اسمائهم حتى - 00:10:28

ومعهم صحف وبرضو كذبوا. فالعيب مش فيك وانا اعطيتك انت اكبر معجزة وهي القرآن المعجزات المادية الحسية ما جابتش نتيجة كبيرة بنو اسرائيل شافوا عصا موسى بتنقلب ثعبان حقيقي بياكل العصي والحبال بتاعة الصحرا. وشافه بعينهم العصب

اتفجر اتناشر ينبوع ماء في الصحرا. وشافوها بتشق البحر - 00:10:47

وعبروا البحر وشافوا بعينهم الجيش المصري وفرعون بيغرقوا قدام عينهم وقبل ما رجليهم تنشف كانوا عاملين صنب على شكل عجل ويبعدوه هتقول لي لو كان في معجزة حسية مع النبي كان جابت نتيجة اكثر وكان الاسلام انتشر اكثر مش حقيقي -

00:11:20

مش حقيقي المعجزات المادية بتجيب نتيجة مع قلة قليلة جدا فايدتها ايه المعجزة الحسية؟ انها بتقيم الحجة عليهم فقط طب ليه؟

ليه رسالة محمد ما فيش فيها حجة حسية لان رسالة محمد تختلف عن الرسائل اللي قبلها في ايه - 00:11:40

انها رسالة خالدة. الرسالة الاخيرة انما الرسائل اللي قبلها كلها رسالات مؤقتة. رسالة موسى انتهت اللي بعده. رسالة آآ عيسى انتهت بالرسول لسيدنا محمد عليه الصلاة والسلام. كل رسول انتهت الرسالة بتاعته بالرسول اللي بعده. فالمعجزة - 00:12:03

بتقيم الحجة على اللي شافوها بعينهم وجيل او اثنين سمعوها من بابا ومن جده. بس خلاص طيب الرسالة الاخيرة تحتاج معجزة اخيرة باقية ايه الفائدة ان كان يبقى في معجزة حسية تقيم الحجة على جيلين ثلاثة جيل الصحابة وتبعي والتابعين وتابعي التابعين

طب وبعدين يعني - 00:12:23

لا دي الرسالة الخالدة. فلازم المعجزة بتاعتها تبقى معجزة خالدة لذلك المعجزة بتاعة سيدنا محمد هي القرآن الكريم واللي ينكر ده قل

له انت هتنكر السنة قال رسول الله صلى الله عليه وسلم ما من الانبياء من نبي الا قد اعطي من الايات ما - 00:12:49

ما مثله امن عليه البشر وانما كان الذي اوتيت وحيا اوحى الله الي وحيا اوحى الله الي. فارجو ان اكون اكثرهم تابعا يوم القيامة

المختلف فيه معجزة الاسلام ان قبل كده الرسائل كانت تبقى رسالة منهج - 00:13:18

ومعجزة حسية ناقة طالعة من قلب الصخر دليل على صحة المنهج بتاع سيدنا صالح سيدنا عيسى يشكل طير من الطين وينفخ فيه

فيبقى طير بازن الله. يبرئ الاكمة. يكره يبرئ الابرص. آآ يحيي - 00:13:47

بازن الله راح لبنت ماتت لسة ميتة راح مصلي عليها ودعا لها قامت المعجزة الحسية دليل على صحة الانجيل وصحة نبوة عيسى ففيه معجزة حسية بتدل على صحة المنهج موسى معه عصا يرميها تبقى تعبانة دليل على صحة التوراة دليل على صحة نبوة موسى

- 00:14:06

انما الجديد بقى والفريد في الاسلام ان المعجزة نفسها هي المنهج فالمعجزة بتدل على صحة نفسها احنا النهاردة حاسين بالمعجزة

بعد ما تدبرناها تمنمية وتسعة يوم النهاردة بتدبر مش ممكن حد فينا ممكن يدخله - 00:14:32

شك بازن الله طبعا ان ده من عند بني ادم او مش من عند ربنا الكلام شفنا بعيننا حسيناها انتم بقى؟ طيب لكن معجزة محمد عليه

الصلاة والسلام تحتاج عقل - 00:14:56

تحتاج تدبر ونحن رأينا هذه المعجزة بنفسنا لما تدبرناها. طيب اقرا بقى معي الاية مية خمسة وتمانين كل نفس ذائقة الموت وانما

توفون اجوركم يوم القيامة فمن زحزح عن النار وادخل الجنة فقد فاز. وما الحياة الدنيا الا متاع الغرور - 00:15:14

هذه الآية عامة ومحكمة تقدر تربطها بالآيات التي قبلها تقدر تنزلها على أي زمن وعلى أي ناس قالوا مش بنؤمن بك لانك ما جبتش معجزة حسية وقربان يأكله النار الاجابة كل نفس ذائقة الموت - [00:15:43](#)

وانما توفون اجوركم يوم القيامة. وھتھاسبوا على ادعاءاتكم دي وابقوا ورونا مين اللي قال لكم ما تؤمنوش الا بالرسول بيجيب لكم آآ قربان يأكله النار فيه ناس قالوا ان الله فقير ونحن اغنياء. طيب كل نفس ذائقة الموت - [00:16:08](#)

وانما توفون اجوركم يوم القيامة. ھتھاسبوا على ادعاءاتكم دي ولا يحسبن الذين كفروا انما نملي لهم خير لانفسھم. الناس اللي بتظن ان ربنا طالما بيمدھم بالمال العمر وبالقوة يبقوا هم صح. حاضر. كل نفس ذائقة الموت. وانما توفون اجوركم يوم القيامة - [00:16:29](#)

كل شيء ھيزھر على حقيقته الناس اللي قالوا لو نعلم قتالا لاتبعناكم المنافقين. ھا يقولون بافواھم ما ليس في قلوبھم ماشي كل نفس ذائقة الموت. وانما توفون اجوركم يوم القيامة. والكل ھيتھاسب - [00:16:57](#)

بس الحساب يوم القيامة احنا عملنا لعبة اسمھا بعد المباراة للاطفال للوقاية من الالحاد لان من اكبر اسباب الالحاد هو انتزار الانسان عشان يرى الثواب او العقاب في الدنيا الزالم اللي عمل فينا وقتل وبتاع. ليه ما فيش حاجة؟ ليه ما فيش نار نزلت خدته - [00:17:17](#)
الدنيا دار جزاء ولا ضار ابتلاء؟ الدنيا ليست دار جزاء الدنيا دار ابتلاء يعني الدنيا دي هي خيمة الامتحان او قاعة الامتحانات اللي احنا قاعدين بنمتحن فيها. النتيجة ما بتظهرش واحنا في الامتحان. النتيجة بتزھر بعد الامتحان - [00:17:41](#)

انا عشان كده رفعت فيديو النهاردة مهم جدا عبارة عن فيديو تمثيلي رمزي اربع دقائق بزھر فيه مع الولد اللي اسمه احمد اللي بيقدم الفيديوهات بتاعة الوقاية من الالحاد بتاعة الاطفال - [00:18:01](#)

اتفرجوا على الفيديو ده. مهم جدا كل نفس ذائقة الموت. كل انسان ھيعرف الموت على حقيقته امبارح لو قلت لك اوصف لي طعم الزبادي ولا السبانخ باين مهما عملت مش ھتقدر توصل لي طعمه. لازم ادوقه. حاسة التذوق بتعطي الوصف الحقيقي لشيء. لانھا تجربة للشيء نفسه - [00:18:15](#)

اوصف لي ملمس الحرير. اوصف لي ملمس مهما وصفت. لازم انا المس بنفسي كل نفس مهما سمعت عن الموت. مش ھتقدر تفھمھ الا لما تجربھ ونقعد بقى نقرا ونتفرج على فيديوهات عن المير ان المير ديث اكس بيريانس والمش عارف ايه اللي هو الناس اللي هم - [00:18:45](#)

يعني كانوا اقتربوا من الموت كل ده ما حدش ھيقدر يفھمھ الا لما يجرب الموت بنفسه كل نفس كل نفس ما فيش استثناء ذائقة لو فيه واحد كان ھيستثنى من الموت كان يبقی النبي سيدنا محمد عليه الصلاة والسلام. لم يستثنى احد. لا يستثنى احد بالموت - [00:19:12](#)

كل نفس هم ذائقة الموت والعجيب ان الموت هو اكثر حاجة بنتعامل معها كل يوم كل يوم بنسمع عن شخص مات وفيه صفحة في الجريدة اليومية اسمھا صفحة الوفيات ونتعامل مع الموت كل يوم ومع ذلك لا نتوقعه لنفسنا نتوقعه لكل حد حوالي لكن احنا نفسنا يوه - [00:19:36](#)

كل واحد منا حاسس انه لسه ھيعيش كتير كله نفس ذائقة الموت. استعدوا. اكبر حقيقة في الدنيا هي الموت لن يفر منه احد ما حدش بينكر ده لكن بينكروا ايه بقى - [00:19:59](#)

وانما توفون اجوركم يوم القيامة. بينكروا البعث بعد الموت. والحساب بعد الموت اذا كنت انت مؤمن بالله ورسوله يبقی يجب ان تؤمن بالبعث وبالحساب الموت في الاسلام ليس نهاية بل بداية - [00:20:19](#)
الموت عبارة عن بوابة بين عالمين الحياة الدنيا الدنيا يعني الاقرب مؤنث الادنى الدنيا والحياة الآخرة اللي بعدها الآخرة الابدية هي بداية الحياة الابدية اللي الانسان ھيوفى اجرھ فيها. اذا ھذه الدنيا قصيرة لكنها ليست تافهة - [00:20:42](#)

المهمة جدا لانھا مزرعة الآخرة اللي ھيزرع فيها خير ھيحصد في الآخر خير. ما هو واحد زرع مانجة ھيحصد ايه جميز ھيحصد مانجة واحد زرع آآ شوك. ھيحصد شوك - [00:21:11](#)

اللي هيزرع شر ما يلومش نفسه لما يجد شر واللي هيزرع خير هو اللي هيجد الخير كل نفس ذائقة الموت. وانما توفون اجوركم يوم القيامة. كلمة توفونا لازم لازم نتوقف عندها برضو - [00:21:33](#)

لان الاستيفاء هو الاتمام يعني ممكن واحد يكون بدأ ياخذ جزاء في الدنيا بس اتمام الجزاء في الآخرة واللي اللي جاهدوا مسلا ممكن ربنا يكون نصرهم. نصر ربنا ده ما هو مكافأة - [00:21:55](#)

بس مش لسة بقى في سواب في الآخر خدوا غنائم. ايوه لكن توفية الجزاء في الآخرة. ده لهم قصور وجنات تجري من تحتها الأنهار. مش كل واحد طلع بدرع وسيف ولأ - [00:22:16](#)

واللي عصوا او كفروا واتعاقبوا في الدنيا ممكن ده يكون جزء من العقاب فقط والتوفية تبقى في الآخرة طب سؤال كان هيجرى ايه لو الثواب ناخده كله في الدنيا ليه يعني ربنا يؤجل ثوابنا للآخرة - [00:22:30](#)

وكده الناس عندها شكوك لان الآخرة غيب والجنة غيب والنار غيب كان هيجرى ايه يعني يعني ايه الحكمة من وانما توفون اجوركم يوم القيامة. كان هيجرى ايه لما نوفي اجورنا - [00:22:51](#)

في الحياة الدنيا كل حاجة ناخدها في الحياة الدنيا عارفين ايه فكروا كده لو ثواب الايمان في الدنيا ما هو اكبر عمل تعمله هو الايمان لو ثواب الايمان هناخده في الدنيا ده تقليل من شأن الايمان - [00:23:06](#)

الدنيا وما فيها كله لا يساوي لحظة ايمان واحدة لا يوجد في الدنيا نعيم يكفي لمكافأة المؤمن على ذرة ايمان في قلبه الايمان لا يعادله الاجنة الرحمن وكذلك كل عذاب الدنيا لا يكفي للعقاب على جريمة لحزة كفر واحدة - [00:23:26](#)

اي نعيم في الدنيا واي عقاب في الدنيا هو مجرد مقدمات كل نفس ذائقة الموت. وانما توفون اجوركم يوم القيامة ياه كمل بقى فممنزوح الزيحة عن النار فمن زحزح كأن النار دي مغناطيس بيشد الناس ولازم نتزحزح كانا كنا هنقع كان الناس كلها كانت هتقع فيها. الناس كلها كانت على وشك الوقوع - [00:23:57](#)

لكن في ناس اتزحزحت فمن زحزح عن النار وادخل الجنة فقد فاز اللي فاز هو اللي ما وقعش في النار يعني معزم الناس كانت واقعة ليه لان معزم الناس تركوا لشهواتهم العنان تسيطر عليهم وعاشوا زي الحيوانات - [00:24:32](#)

معزم الناس عبيد لشهواتهم. حتى الملحد اللي فاكر نفسه تحرر من العبادة هو عبد نفسه لشهواته هتعبد يعني هتعبد. اذا لم تعبد الله بقيت عبد لشهواتك وللماديات بتاعة الدنيا وما الحياة الدنيا يعني للماديات - [00:24:56](#)

الا متاع الغرور ماديات الدنيا هي المتاع الزائل المؤقت. اللي بيخدع الناس متاع الغرور. المتاع اللي بيغرر بالناس. غرورا! مش يعني غرور اللي هو اللي هو الكبر. لأ الغرور يعني التغرير يعني الغش الخداع - [00:25:18](#)

ربنا بيحذرك من الاغراق في ماديات الدنيا طب ازاى نحافظ على نفسنا ازاى لا نقع فريسة لماديات الدنيا ربنا قال لك استمتع بها لكن لا تدعها تستعبدك. يعني ايه تستعبدك؟ العبادة ايه؟ العبادة هي الطاعة مع الحب - [00:25:41](#)

لو انت عبد من عباد الله يبقى انت تطيع الله بحب يبقى تحافز على نفسك بانك دايمًا حبك لله يكون اكبر من حبك لكل شيء في الدنيا اخر سورة نزلت راحت مديانا نصيحة دي - [00:26:05](#)

قل ان كان اباؤكم وابناؤكم واخوانكم وازواجكم وعشيرتكم واموال اقترفتموها تجارة تخشون كسادها ومساكن ترضونها احب اليكم من الله ورسوله وجهاد في سبيله فتربصوا حتى يأتي الله بأمره والله لا يهدي القوم الفاسقين. ده فسق. انك تحب اي شيء في الدنيا. حتى ولادك حتى مراتك حتى ابوك حتى امك - [00:26:29](#)

اكثر من الله ورسوله وجهاد في سبيله. من دين ربنا سورة التوبة اخر ما نزل من القرآن ربنا بيقول لك كيف تززع عن النار وتدخل الجنة؟ ازاى؟ بالحب بالحب بانك تجعل حب الله اكبر من حب اي شيء حتى اولادك وزوجتك وحتى وامك وابوك وكله - [00:26:59](#)

دول اللي انت ممكن تبخل بسببهم اصلا عشان تحوش لهم. فما تطلعش الزكاة لأ حب ربنا اكثر فمن زحزح عن النار وادخل الجنة فقد فاز. وما الحياة الدنيا الا متاع الغرور. خدوا بقى كويز لبكرة - [00:27:22](#)

وانتم تسمعوها الجمال ده وادخلوا ناموا ما فيش نوم النهاردة بكرة فيه امتحان الامتحان بقى هو. السؤال ايه علاقة الاية دي اللي هي

كل نفس ذائقة الموت مم وانما توفون اجوركم يوم القيامة. باول اية هنتدبرها بكرة اللي هي الاية اللي بعدها. اللي هي لتبلون في اموالكم - [00:27:42](#)

وانفسكم ولتسمعن من الذين اوتوا الكتاب من قبلكم ومن الذين اشركوا اذى كثيرا الى اخر الاية ايه علاقة الايتين ببعض خاصة كل نفس ذائقة الموت وانما توفون اجوركم يوم القيامة. وبين لتبلون في اموالكم وانفسكم ولا تسمعن من الذين اوتوا - [00:28:09](#) الكتابة من قبلكم من الذين اشرقوا اذى كثيرا. ايه علاقة الايتين دول ببعض وايه علاقتهم هم اللاتنين بغزوة احد ليه جايين دلوقتي بعد ستين اية تعليق وتعقيب على احداث احد. ما جوش ليه في التعليق على غزوة تبوك وكانوا ينزلوا في صورة الانفال ولا التوبة وخلص - [00:28:28](#)

انتم السؤال اللي هتفكروا فيه طيب ايه علاقة الاية مية خمسة وثمانين بالاية مية ستة وثمانين. وايه علاقتهم هم اللاتنين بغزوة احد؟ الليلة. طبعاً اللي فيكم عنده الوقت متأخر دلوقتي وعاوز ينام ينام. بس الفجر تكون - [00:28:48](#) وبتتدبروا وبتتفكروا اتفقنا اكتبوا لي الاجابات بتاعتكم في التعليقات على الفيسبوك وعلى يوتيوب. ما حدش يكتب لي على انستجرام انا ما بشوفش انستجرام خالص واعملوا لي بقى لايك وشير للفيديو والكلام ده عشان اعاده اكبر من الناس يشوفوه بازن الله - [00:29:01](#)

ونتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. الله - [00:29:16](#) اللهم اجعل حبك احب الينا من اهلينا واموالنا ومن الماء البارد على الظمأ اللهم حببنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين - [00:29:35](#) اللهم احببنا بحبك واجعلنا لك كما تحب. اللهم اجعلنا نحبك بكل قلوبنا ونرضيك بكل اللهم اجعل حبنا كله لك وسعينا كله في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي - [00:29:58](#)

عظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون فبحق كل حرف في كتابك تلوناه او تدبرناه اكفنا واهلينا واخواننا واخواتنا شر كل من يكيد لنا ولهم - [00:30:28](#)

واحفظنا واياهم من شرورهم ونجعلك اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه انصر بنصرك المرابطين في الارض المباركة فلسطين - [00:30:55](#) وسدد رميهم وخيب رمي عدوهم واقبل شهداءهم. وكن مع اخواننا في تركستان الشرقية وفي الشام وفي كشمير وفي سريلانكا وفي الهند. وانصر يا رب من نصرهم واخذل يا رب من خذلهم وطهر المسجد الاقصى من الدنس فانهم لا يعجزونك. واكتب لنا يا - [00:31:15](#)

ربنا ختم القرآن فيه اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحد على دعوتك وتعاهدت على نصره شريعتك. فوثق اللهم رابطتها. وادم ودها واهدها - [00:31:35](#) سبلها واملاها بنورك الذي لا يخبو. واشرح صدورنا بفيض الايمان بك وجميل التوكل عليك واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير. وصل اللهم وسلم على سيدنا محمد وعلى اله وصحبه ومن تبع - [00:31:58](#) اهو ده والسلام عليكم ورحمة الله. ونراكم غدا باذن الله في نفس هذا الموعد ان كنا من اهل الدنيا - [00:32:26](#)